

得一真確之了解也但有一事而爲吾人所注意者卽此若干墓室何以保存至千餘年之久毫不崩圯使可寶貴殉葬物品安然無恙不受若何之損失欲答此問題則當論及此一帶之土質普通沙土固易崩圯卽黑泥土或黃土若經風水削洗亦使空穴傾塌此地之土質則不然皆爲有粘性之之白土堅硬若石吾人工作古塚時若不得其墓道隨意掘挖雖終日不能進一寸故余甚佩當時鑿墓人之勤勞堅苦也

現墓專與陶器均運至北平整理影印陸續公表余復於墓專中所書之年號與官職及最近出土之石刻爲高昌麴氏紀年及高昌官制表就正大雅故述其發現情形如此